

Lalínmcero

Secretaría Xeral



Concello de Lalín

**ACTA DA SESIÓN EXTRAORDINARIA DO CONCELLO PLENO DO DÍA 21 DE DECEMBRO DE NÚM. 15/2015.-**

Asistentes:

**ALCALDE-PRESIDENTE:**


D. RAFAEL LUÍS CUIÑA APARICIO. (CxG-CCTT).


**CONCELLEIROS:**

D<sup>a</sup>. TERESA VARELA FISTEUS (CxG-CCTT).  
D<sup>a</sup>. KATIA MARGARET PROCINO TOIMIL. (CxG-CCTT).  
D. MIGUEL ÁNGEL MEDELA DOBARRO. (CxG-CCTT).  
D. JUAN JOSÉ CRUZ GARCÍA. (CxG-CCTT).  
D. TOMÁS VILARIÑO FIDALGO. (CxG-CCTT).  
D. NICOLÁS GONZÁLEZ CASARES (PSdeG-PSOE).  
D<sup>a</sup>. CELIA ALONSO CARAMÉS. (PSdeG-PSOE).  
D. JOSE MANUEL HERMIDA ARIAS (PSdeG-PSOE).  
D<sup>a</sup>. LARA RODRÍGUEZ PEÑA. (APAC).  
D. FRANCISCO XAVIER VILARIÑO TABOADA. (BNG).  
D. XOSÉ CRESPO IGLESIAS. (PP).  
D<sup>a</sup>. MARÍA PAZ PÉREZ ASOREY. (PP).  
D. JOSÉ ANTONIO RODRÍGUEZ FERNÁNDEZ. (PP).  
D. JOSÉ ANTONIO VARELA QUINTELA. (PP).  
D<sup>a</sup>. MARÍA ÁLVAREZ PAZ. (PP).  
D. ANTONIO RODRÍGUEZ RODRÍGUEZ. (PP).  
D. MANUEL FERNÁNDEZ LÓPEZ. (PP).  
D<sup>a</sup>. RAQUEL LORENZO FERNÁNDEZ. (PP).  
D<sup>a</sup>. EVA MARÍA MONTOTO MÉNDEZ. (PP).  
D<sup>a</sup>. MARÍA JOSÉ SENANDE MÉIJOME. (PP).

**SECRETARIO XERAL:** D. CÉSAR LÓPEZ ARRIBAS.

**INTERVENTORA XERAL:** D<sup>a</sup>. MARTA OVIEDO CREO.





Lalínmcero

Secretaría Xeral




Concello de Lalín

## ÍNDICE:

### **PUNTO ÚNICO.-**

Resolución da reclamación presentada polo Grupo Municipal Popular  
ao Expediente de Ordenanzas 2016 e probación definitiva de dito  
Expediente de Ordenanzas 2016.....páx. 3



Sendo as dez horas do **luns, día 21 de decembro de 2015**, xuntáronse no salón de actos do Concello de Lalín (Pontevedra), baixo a Presidencia do *Sr. Alcalde-Presidente, D. Rafael Luís Cuiña Aparicio*, os señores concelleiros que enriba se indican co gallo de celebraren a sesión extraordinaria do Pleno da Corporación, convocada para este día e hora.

A todos os asistentes entregóuselles a orde do día, o expediente púxose á súa disposición e cumpríronse tódalas determinacións previstas na normativa vixente.

Actúa como Secretario Xeral *D. César López Arribas*.

Actúa como Interventora Xeral *D<sup>a</sup>. Marta Oviedo Creo*.

De orde do Sr. Presidente, e seguindo as súas instrucións, entrouse no estudo e na deliberación do asunto que conforma a orde do día co seguinte resultado:

**PUNTO ÚNICO.- RESOLUCIÓN DA RECLAMACIÓN PRESENTADA POLO GRUPO MUNICIPAL POPULAR AO EXPEDIENTE DE ORDENANZAS 2016 E PROBABACIÓN DEFINITIVA DE DITO EXPEDIENTE DE ORDENANZAS 2016.**

A Presidencia deu conta deste expediente e da Proposta da Alcaldía de data 10 de decembro de 2015. A continuación o *Sr. Secretario* deu lectura aos ***ditames da Comisión Informativa de Facenda, Patrimonio, Réxime Interior e Actividade Económica do día 17 de decembro de 2015.***

Na defensa da alegación, polo PP. ***D. Xosé Crespo Iglesias*** sinalou que a alegación estaba aí e comprendía dous temas. Destes xa se falou na sesión anterior. Agora non ía facer o mesmo, xa que sería unha mera repetición dos argumentos e da alegación. Si sinalou que o que se pedía na mesma era que se consultasen as medidas aprobadas, da taxa do IBI e o prezo público polo uso das instalacións deportivas.

Pediu que o importe das dietas polas asistencias a esta sesión plenaria se doasen ás asociacións de Lalín, a todos os colectivos sociais, incluídas as asociacións o Mencer e Aspadeza.

Interveu o Sr. Alcalde-Presidente, ***D. Rafael Cuiña Aparicio*** para indicar que todas as asociacións debían recibir o importe das asistencias a este Pleno. Debían buscarse os colectivos, e incluír tamén a outra recén constituída como era Aranes.

De novo ***D. Xosé Crespo Iglesias*** indicou que a alegación do IBI estaba xa debatida. No tema das taxas do Lalín Arena reiterábanse no xa dito.

Desde o BNG, ***D. Francisco Xavier Vilariño Taboada*** estaba sorprendido de que todo foran parabens desde o PP, e que se aducira que xa fora debatido este asunto no Pleno anterior. De todos os xeitos non estaba de acordo co feito de que en facebook se dixeran cousas sobre a súa figura política, que eran mentiras e falsidades.



Secretaría Xeral

Consideraba gravísimo que despois de facer a alegación non se defendera polo grupo propoñente e se desen argumentos para defendela.

De novo **D. Xosé Crespo Iglesias** reiterou que esta sesión do Pleno era meramente formal, porque non cambiaba nada respecto ao xa exposto na sesión dos orzamentos. Xustificou esta sesión porque non se respectou a data da convocatoria da sesión plenaria ordinaria, que se pactou co goberno, e que foi incumplida ata en tres ocasións. O que se pedía polo grupo de goberno era reeditar, repetir o mesmo que xa se dixo.

O Sr. Alcalde-Presidente, **D. Rafael Cuíña Aparicio** dixo entender os argumentos empregados polos dous voceiros anteriores. Coidaba que as expresións que aparecían nas redes sociais, en facebook, era un modo particular de expresar as súas posicións, que non eran extrapolables a este lugar. Por elo pediu mesura e responsabilidade cando se fale nestas redes sociais.

Finalmente pediu responsabilidade a todos, considerando o custo que cada sesión plenaria representaba para o erario público.

Rematou o debate **D. Francisco Xavier Vilariño Taboada** que reclamou un debate político, xa que para iso se presentou a alegación ás ordenanzas fiscais, tendo en conta que era tan importante e tan relevante a suba dos impostos indicada polo grupo alegante. Reiterou que o que aparecía nas redes sociais eran mentiras e falsidades.

Sometido a votación ordinaria o expediente e a Proposta da Alcaldía mediante o sistema de man alzada, obtívose o seguinte resultado:

*Votos a favor:* once (11), sendo seis (6) de CxG-CCTT, tres (3) do PSdeG-PSOE, un (1) da APAC, e un (1) do BNG.


*Votos en contra:* dez (10) do PP.

*Abstencións:* ningunha.

Xa que logo, o Pleno da Corporación **APROBOU** o expediente e a Proposta da Alcaldía do seguinte tenor:

Visto o informe emitido pola Intervención municipal relativo á reclamación formulada contra o acordo de aprobación provisional do expediente de modificación de Ordenanzas Fiscais para o exercicio 2016, adoptado en sesión do Pleno da Corporación celebrada o día 29 de outubro de 2015, **o Pleno da Corporación ACORDOU:**

**1º.- Rexeitar a reclamación** formulada por *D. José Crespo Iglesias*, voceiro do Grupo Municipal Popular do Concello de Lalín, contra o acordo de aprobación provisional do expediente de modificación de Ordenanzas para o 2016, en concreto respecto do Imposto sobre Bens Inmóveis e dos Prezos Públicos pola prestación de servizos nas instalacións deportivas municipais do Concello de Lalín, adoptado en sesión do Pleno da Corporación celebrada o día 29



Secretaría Xeral

de outubro de 2015, en virtude da facultade das Entidades Locais de modificar as ordenanzas nos términos previstos no Real Decreto Lexislativo 2/204, do 5 de marzo, do Texto Refundido da Lei Reguladora das Facendas Locais.

**2º.- Aprobar definitivamente** a modificación das Ordenanzas fiscais reguladoras dos seguintes tributos e prezos públicos, respectando integramente o texto inicialmente adoptado:

- Ordenanza Fiscal Reguladora do Imposto sobre Bens Inmóbles.
- Ordenanza reguladora da Taxa por servizos de distribución de auga, gas, electricidade e outros abastecementos públicos.
- Ordenanza reguladora da Taxa de sumidoiros.
- Ordenanza reguladora da Taxa por ocupación de terreos de uso público municipal con mesas, cadeiras, tribunas, taboados e outros elementos análogos, con finalidade lucrativa.
- Ordenanza reguladora da Taxa por entrada de vehículos a través de beirarrúas e reservas da vía pública para aparcamento exclusivo, parada de vehículos, carga e descarga de mercadorías de calquera clase.
- Ordenanza reguladora da Taxa por instalación de postos, barracas, casetas de venda, espectáculos, atraccións ou recreo, situados en terreo de uso público municipal, así como industrias na rúa e ambulantes e rodaxe cinematográfica.
- Ordenanza reguladora dos Prezos Públicos pola prestación de servizos nas instalacións deportivas municipais do Concello de Lalín.
- Establecemento do Prezo Público pola prestación do servizo de aparcamento no “Parking Europa” mediante a aprobación da súa ordenanza reguladora.
- Modificación do Regulamento de Utilización das Instalacións Deportivas Municipais.

**3º.- Ordenar a publicación** do acordo de aprobación definitiva e do texto modificado das citadas ordenanzas no Boletín Oficial da Provincia.

E, sendo as dez horas e dezaioito minutos do mesmo día no que comezou, non habendo outros asuntos que trataren, e no mesmo lugar onde comezou, polo Sr. Presidente levantouse a sesión. De todo iso, pola miña condición de Secretario e fedatario público dou fe.

O Alcalde.

Dou fe. O Secretario Xeral.

Rafael Cufiña Aparicio

César López Arribas

